

Muma Maler mar nyithindo
Kelonu



Nowa gi Pi
Ataro



Ondike gi: Edward Hughes

Piche ogor gi: Byron Unger; Lazarus
Alastair Paterson

Otene gi: M. Maillot; Tammy S.

Oloke e dholuo gi: Ouma Grace

Ogole gi: Bible for Children
www.M1914.org

©2020 Bible for Children, Inc.

Laisens: Oyieni kopo kata goyo chapa sigana ni, to ok oyieni use.



Nowa ne en ng'at malamo
Nyasaye. Ji mamoko to
nochayo Nyasaye kendo ne ok
orito chikene. Chieng' moro
achiel, Nyasaye ne owachone
Nowa gi mane obuogo Nowa.

"Abiro ketho piny
ma pong'
gi richoni."

"In gi joodi
kende ema
unu kwo."



Nyasaye nosiemo Nowa kowachone ni, pi ataro biro umo piny. Nochiko Nowa kowacho, "Los yie kitiyo gi yien, yie maduong' moromo ting'i gi joodi kaachiel gi le mang'eny." Nyasaye nomiyo Nowa rapim duto mag gero yie no. Nowa nochako tich.





Samoro nyalo bedo
ni ji ne nyiero Nowa
kowachonegi gima
omiyo ogero yie.
Nowa to
ne ok

odewo,
nodhi nyime
mana gi loso
yie. Ne odhi nyime
bende gi puonjo ji
wach Nyasaye, to
ong'e ng'at
mane winjo.



Nowa nenigi yie maduong' kuom Nyasaye. Kata obedo ni koth nepok ochwe maduong' endalogo, noyie gi wach mane Nyasaye owachone. Piyo piyo notieko loso yie kendo koro nonyalo ketoe gik moko duto.



Le bende nodonjo. Kit le moko Nyasaye nokelo
abiriyo, to moko nokelo ariyo. Winy madongo gi
matindo, le matindo gi le ma roboche,
ne owuotho kadonjo
ei yie.



Nyalo bedo ni dhano nogoyone
Nowa koko ka yanye kane
oruako le e yie. Dhano ne
ok oweyo timo richo.
Bende ok ne gikwayo
mondo gidonji
ei yie.





Mogik, le
gi winy duto
te nodonjo ei
yie. Nyasaye
nowacho ne
Nowa, "Donji
ei yie, in gi joodi."

Nowa, chiege, yawuote adek
gi mondegi nodonjo ei yie.
Eka Nyasaye noloro dhoot.



Eka koth nochako
chue. Koth maduong
nochue e piny kuom
ndalo piero ang'wen,
odiechieng'
gotieno.





Pi noringore
malich
makuonde
ma ji dakie duto
nonimo. Kane koth
ochok, kata gode maboyo
bende nonimo. Gik mangima
duto manie piny notho.





Yie nosiko ka kwang'
ewi pi kaka ne pi
medore. Nyalo bet
ni iyie notimo mudho
to gi tungni mang'eny
mamiyo ng'ato luoro.
To katakamamno,
yieni nopando Nowa
epi ataro.



A colorful illustration of a landscape. In the top left, a bright yellow sun with rays is partially obscured by a white cloud. The sun's rays are depicted as thick yellow and white beams. In the center, a white bull with a curved horn is shown in profile, facing right. The bull is standing on a dark grey ground. To the right of the bull is a stone structure made of several rectangular blocks, colored in shades of brown and grey. In the background, there are green hills and mountains. The sky is a solid light blue. The overall style is simple and illustrative.

Bang' pi pong'o piny dweche abich,
Nyasaye notugo yamo makudho e piny,
ma pi nochako duono. Mos mos, yie
nomoko ewi got moro e piny Ararat.
Nowa nomedo bedo ei yie ndalo
piero ang'wen
kapod pi
duono.



Nowa noyawo dirisa mar yie ma ooro agak gi akuru.
Kane akuru ok oyudo kama onyalo piyoe, noduogo ir
Nowa.






Nowa notemo kendo
bang' ndalo abiriyo.
Akuru noduogo gi pot
olemb zeituni e dhoge.
Ndalo abiriyo maluwe,
Nowa nong'eyo ni piny
otwo nikech akuru ne
ok oduogo.



Nyasaye nowachone Nowa mondo
owuog e yie. Nowa kaachiel gi joode
ne okonyo le duto wuok e yie.



Nowa nyaka bed ni
nowinjo maber malich!
Nogero ni Nyasaye
kendo-mar-misango.

Nolamo Nyasaye
mane okonye gi
joode e ataro
malich.





Nyasaye notimo
gi Nowa singo
maber ahinya.
Nowachoni onge
chieng' moro amora
ma en ochak oketh
piny gi pi

nikech richo dhano.
Noketo lihudu mare
e boche polo mondo
obed ranyisi kendo
rapar mar singo
manotimono.

Nowa gi jooode
nochako kendo
manyien bang' pi ataro.
Bang' kinde, ne gi nywolore
ma gipong'o piny kendo.
Ogendini mopogore
opogore manie
piny,

nowuok kuom
Nowa gi nyithinde.



Nowa gi Pi Ataro

Sigana ma owuok kuom Wach Nyasaye,
maen Muma Maler

yudore e

Chakruok 6-10

"Tiend wacheni koel, to kelo ler."
Zaburi 119:130



Giko



Sigana mar Muma Malerni puonjowa kuom
Nyasaye Hono mane ochueyowa kendo dwaro mondo wang'eye.

Nyasaye ong'eyo ni wasetimo gik ma ok beyo, ma Oluongo ni richo. Kum mar richo en tho, to Nyasaye oheri ahinya omiyo nooro wuode ma miderma, Yesu, mondo otho e Msalaba kendo okaw kum mar richowa. Bang'e, Yesu nochier kendo nodhi e Polo! Ka iyie kuom Yesu kendo ikuaye mondo oweni richoni, obiro weyoni! Obiro donjo sani ei chunyi kendo odak kodi, in bende ibiro dak Kode nyakachieng'.

Ka iyie ni ma en adieri, wachne Nyasaye kama:
Jahera Yesu, ayie ni In Nyasaye, mane odoko dhano kendo otho ne richona, to koro ingima kendo. Akwayi ni idonj ei chunya, kendo iwena richona, mondo abed gi ngima manyien sani, mondo chieng' moro achiel adhi adag kodi nyakachieng'. Konya mondo awinj Wachni kendo adag kaka Nyathini. Amin.

Som Muma Maler kendo wuo gi Nyasaye pile ka pile!
Yohana 3:16

